



Zur Publikation im Amtsblatt Mittelbünden (Pagina, Pöstli und Novitats) vom Donnerstag, 18. Juni 2015, bzw. Freitag, 19. Juni 2015

Amtliche Publikation der Gemeinde Albula/Alvra

ALBULA/ALVRA

www.albula-alvra.ch

Infurmaziuns dalla suprastanza communal da digl cumegn Albula/Alvra:

Avregl e matg 2015

- La suprastanza communal è examinada e lubia diversas dumondas da biagier.
- Per igl mantignamaint digl meir-santieri a Mon è nia concedia en credit an import da 30'000.00 fr.
- La suprastanza communal è piglia cunaschientscha dallas maseiras dalla Bogn Alvagni SA pertutgont igl surveiver digl center da bogn e wellness ad Alvagni Bogn. Las maseiras da sanaziun, tranter oter en tagl da capital da 95%, vignan sustignidas.
- La suprastanza communal è neida infurmada davart dallas elecziuns digls collaboratours digl menaschi tecnic e sarvetsch da tgesa.
- La suprastanza communal è piglia cunaschientscha e delibera igl rendachint annual 2013/2014 digl consorzi da scola scalem ot Albula/Alvra.
- La suprastanza communal è decidida da dissolver igl reschim da precedenza d'anfignen adacò, v.d. igl Stop dalla veia da Mon-Stierva tar l'antrada ainten l'anterioura Veia da Gelgia. Igl sectour digl spartaveias vigna munia danov cun ena marcaziun da precedenza da dretg.
- La suprastanza communal è examinada minuztgousamaintg igls statuts revedias ed igls deliberos per mangs dalla radunanza communal.
- An connex cun igl provedimaint electric è la suprastanza communal surdo las lavours da gestiun per manar la contabilitad digl indrez e la realisaziun dalla calculaziun digls costs (Reporting EICOM, proposta da tariffas, etc.) ad en biro d'electroinschignier.
- La suprastanza communal è acceptada ena cunvignientscha da collaboraziun cun Savognin Turissem an Surses (01.05.2015 – 30.04.2016). A partair da dalunga pon er igls abitants e

las abitantas scu er igls giasts da vacanzas d'Alvaschagn e Brinzauls profitar dalla purscheida da prestaziun.

- La suprastanza communalà è neida infurmada extandeidamaintg digls projects „Mantignamaint da veias Cumpogna“ a Casti, e „Mantignamaint dalla veia an vischnanca a Stierva“. Igls projects èn nias examinoss, approvoss e delibeross per mangs dalla radunanza communalà.
- La suprastanza communalà ò adheria ad ena dumonda per la deliberaziun digl sarvetsch da pumpiers activ (midada alla taxa da cumpensaziun).
- La suprastanza communalà ò approvo en credit da 16'200.00 fr. per la revisiun dalla planisaziun locala.
- La suprastanza communalà ò piglia posiziun davart dalla strategia da svilup digl li Viamala/ Grischun Central.
- La suprastanza communalà ò surdo las lavours an connex cun la misiraziun uffiziala.
- La suprastanza communalà ò approvo en credit supplementar da 31'000.00 fr. per la sanaziun digl clutger a Stierva sen fundamaint da defects constatoss durant la sanaziun.
- La suprastanza communalà ò surdo las lavours per las „installaziuns sanitaras e las lengias da taragn“ an connex cun la sanaziun digl provedimaint dall'ava da beber a Surava.
- La suprastanza communalà ò examino minuztgousamaintg igls statuts dalla „Nova Regiun Albula“ ed igls approvoss.
- La suprastanza communalà ò piglia per cunaschientscha tgi a parteir digl 1. d'avost 2015 surpeglia Michael Hörler, 7443 Pignia (Andeer) las lavours da controlla e nattedgeda da tot igls tgamegns e scaldamaints ad Alvagni (Alvagni vischnanca e Bogn). Chegl vala er per indrezs termics.

La suprastanza communalà